



2.00pm, Dydd Iau 8 Mawrth 2018
Ystafelloedd Caer, Pencadlys GTACGC, Caerfyrddin

COFNODION

Yn bresennol	
Enw	Sefydliad
Barry Liles (Y Cadeirydd)	Coleg Sir Gâr
Y Cyng. Emlyn Dole (Yr Is-gadeirydd)	Cyngor Sir Caerfyrddin
Huwel Manley	Cyfoeth Naturiol Cymru
Rob Quin	Gwasanaeth Tân ac Achub Canolbarth a Gorllewin Cymru
Yr Uwch-arolygydd Gary Mills	Heddlu Dyfed-Powys
Julian Atkins	Awdurdod Parc Cenedlaethol Bannau Brycheiniog
Deanne Martin	Cwmni Adsefydlu Cymunedol Cymru
Ros Jervis	Bwrdd Iechyd Prifysgol Hywel Dda
Yr Athro Jean White	Llywodraeth Cymru
Marie Mitchell	Cymdeithas Gwasanaethau Gwirfoddol Sir Gâr
Jonathan Feild	Yr Adran Gwaith a Phensiynau
Anna Bird	Bwrdd Iechyd Prifysgol Hywel Dda

Sylwedyddion o Bwyllgor Craffu'r Cyngor – Polisi ac Adnoddau

Enw
Y Cyng. Giles Morgan (Y Cadeirydd)
Y Cyng. Elwyn Williams (Yr Is-gadeirydd)
Y Cyng. Carys Jones
Y Cyng. Handel Davies
Y Cyng. Kim Broom
Y Cyng. John Prosser

Yn bresennol	
Enw	Sefydliad
Gwyneth Ayers	Cyngor Sir Caerfyrddin
Kate Thomas	Cyngor Sir Caerfyrddin
Amy Richmond	Gwasanaeth Tân ac Achub Canolbarth a Gorllewin Cymru

1. Croeso ac Ymddiheuriadau

Ymddiheuriadau	
Enw	Sefydliad
Mark James	Cyngor Sir Caerfyrddin
Wendy Walters	Cyngor Sir Caerfyrddin
Steve Moore	Bwrdd Iechyd Prifysgol Hywel Dda
Bernardine Rees	Bwrdd Iechyd Prifysgol Hywel Dda

Sarah Jennings	Bwrdd Iechyd Prifysgol Hywel Dda
Helen Matthews	Yr Adran Gwaith a Phensiynau
Jan Curtice	Gwasanaeth Tân ac Achub Canolbarth a Gorllewin Cymru
Jane Davidson	Prifysgol Cymru y Drindod Dewi Sant
Carys Wynne-Morgan	Cyngor Celfyddydau Cymru
Christine Harley	Y Gwasanaeth Prawf Cenedlaethol
Y Cyng. Sue Allen	Y Pwyllgor Craffu – Polisi ac Adnoddau, CSC
Y Cyng. Gareth John	Y Pwyllgor Craffu – Polisi ac Adnoddau, CSC
Y Cyng. Kevin Madge	Y Pwyllgor Craffu – Polisi ac Adnoddau, CSC
Y Cyng. Arwel Davies	Y Pwyllgor Craffu – Polisi ac Adnoddau, CSC

- Croesawodd Barry Liles bawb i'r cyfarfod, yn enwedig aelodau'r Pwyllgor Craffu a Julian Atkins fel aelod newydd. Cyflwynodd pawb ei gilydd o gwmpas y bwrdd.

2. Cofnodion a Materion yn Codi: 18 Ionawr 2018

- Pwysleisiodd Barry Liles fod angen i'r cofnodion fod yn fanwl gywir gan eu bod ar gael i'r cyhoedd. Cytunwyd bod y cofnodion yn gofnod gwir a chywir.
- Cam Gweithredu 2 – cadarnhaodd Anna Bird fod y Bwrdd Iechyd wedi cytuno i gyfrannu tuag at gostau Adolygiadau o Ddyladdiad Domestig ar sail achosion unigol a bod llythyr yn cael ei lunio ar hyn o bryd i'r perwyl hwnnw.

GWEITHRED:	Bydd Steve Moore yn anfon cadarnhad ysgrifenedig at Kate Thomas o gytundeb y Bwrdd Iechyd i gyfrannu tuag at gostau Adolygiadau o Ddyladdiad Domestig ar sail achosion unigol.
-------------------	---

- Cadarnhawyd y dyddiadau y bydd y Cynllun Llesiant Drafft yn cael ei ystyried gan y partneriaid statudol – Cyfoeth Naturiol Cymru (16 Mawrth), GTACGC (19 Mawrth), Bwrdd Iechyd Prifysgol Hywel Dda (29 Mawrth) a Chyngor Sir Caerfyrddin (18 Ebrill). Cytunwyd y byddai aelodau'r Bwrdd Gwasanaethau Cyhoeddus yn argymhell i'w sefydliadau y dylai unrhyw sylwadau a wneir yn ystod y broses gymeradwyo statudol gael eu cyfeirio fel materion i'w trafod wrth ddatblygu'r Cynllun Cyflawni manwl.
- Cadarnhaodd Julian Atkins y byddai Awdurdod Parc Cenedlaethol Bannau Brycheiniog hefyd yn ystyried yr holl Gynlluniau drafft lleol sy'n ymwneud â'i ardal.
- Nid oedd gan aelodau'r Bwrdd Gwasanaethau Cyhoeddus unrhyw sylwadau pellach ar y Cynllun Llesiant drafft, ac roeddent yn cytuno bod digon o gyfleoedd wedi bod i'r sefydliadau godi unrhyw faterion.
- Cadarnhaodd Anna Bird y byddai'r Bwrdd Iechyd yn ystyried y tri Chynllun Llesiant drafft lleol a Chynllun Ardal Gorllewin Cymru yn yr un cyfarfod. Bwriedir tynnu sylw Bwrdd Iechyd y Brifysgol at y themâu cyson.

GWEITHRED:	Bydd Tîm Cymorth y Bwrdd Gwasanaethau Cyhoeddus yn dosbarthu Cynllun Ardal Gorllewin Cymru a baratowyd gan Fwrdd Partneriaeth Ranbarthol Gorllewin Cymru.
-------------------	--

- Cadarnhaodd Gwyneth Ayers fod dyddiad amodol ar gyfer lansio'r Cynllun Llesiant wedi cael ei glustnodi – 21 Mehefin.
- Camau Gweithredu 8 a 9 – i'w hystyried gan Grŵp Cyfathrebu'r Bwrdd Gwasanaethau Cyhoeddus.

GWEITHRED:	Bydd Gwyneth Ayers yn trefnu gweithdy yn y ddau fis nesaf ar gyfer Grŵp Cyfathrebu'r Bwrdd Gwasanaethau Cyhoeddus er mwyn cynnal trafodaethau ynghylch cynnig cyfathrebu y Bwrdd Gwasanaethau Cyhoeddus yn y dyfodol.
-------------------	--

3. Y Diweddaraf am Drawsnewid Gwasanaethau Iechyd Meddwl

- Amlinellodd Tom Alexander y broses a ddilynwyd gan y Bwrdd Iechyd wrth ddatblygu model cydgynhyrchu arfaethedig ar gyfer y gwasanaeth, a'r ymgynghoriad diweddar oedd yn cynnwys staff, y cyhoedd a rhanddeiliaid allweddol eraill.
- Cytunwyd ar y model gan y Bwrdd Iechyd yn y cyfarfod yn Ionawr 2018.
- Cafwyd trafodaeth wedyn a gofynnodd aelodau'r Bwrdd Gwasanaethau Cyhoeddus am ragor o fanylion ynghylch y model ac am gael gweld y cynllun gweithredu y cytunwyd arno. Yr oedd gallu ystyried yr effaith ar bartneriaid yn bwysig gan fod cydweithio'n hanfodol wrth ddarparu'r gwasanaeth hwn.

GWEITHRED:	Bydd Tom Alexander yn dosbarthu gwybodaeth ychwanegol ynghylch y model arfaethedig ar gyfer 'Trawsnewid Gwasanaethau Iechyd Meddwl', gan gynnwys y cynllun gweithredu.
-------------------	---

- Cadarnhawyd bod y gwasanaeth ar gyfer oedolion ond y byddai'r egwyddorion yn cael eu datblygu yn yr holl wasanaethau iechyd meddwl.
- Gan ymateb i ymholiad ynghylch yr angen i gyfuno'r gwasanaeth hwn a'r gwaith 'Trawsnewid Gwasanaethau Clinigol', cadarnhawyd y byddent yn cael eu hintegreiddio a byddai nifer o ffrydiau gwaith yn gweithio ochr yn ochr â'i gilydd, er bod 'Trawsnewid Gwasanaethau Iechyd Meddwl' ymhellach ymlaen ar hyn o bryd. Yr oedd 'Trawsnewid Gwasanaethau Iechyd Meddwl' yn cyfrannu at drafodaethau'r Gwasanaethau Clinigol.
- Cytunwyd bod partneriaid yn cyfrannu at leihau'r angen a gwella'r gwaith ataliol, a bod angen trafod hwn ymhellach.

GWEITHRED:	Bydd Anna Bird/Tîm Cymorth y Bwrdd Gwasanaethau Cyhoeddus yn trefnu gweithdy er mwyn i'r Bwrdd Gwasanaethau Cyhoeddus gynnal rhagor o drafodaethau ynghylch y model arfaethedig ar gyfer 'Trawsnewid Gwasanaethau Iechyd Meddwl' a'i effaith ar bartneriaid.
-------------------	---

4. Cynllun Datblygu Lleol (CDLI) Cyngor Sir Caerfyrddin

- Mae gan Ian Llewellyn a Rachel Bowen gyflwyniad ar y paratodau ar gyfer Cynllun Datblygu Lleol diwygiedig, y mae angen iddo fod ar gael erbyn diwedd 2021. Mae'r Cynllun Datblygu Lleol yn gynllun 15 mlynedd statudol ar gyfer defnyddio'r tir, sefydlu'r strwythur ar gyfer twf, rhoi arweiniad o ran lleoliad a maint y twf hwnnw, gan gynnwys cyflogaeth, tai ac adwerthu. Mae hefyd yn amddiffyn ac yn cynyddu asedau'r amgylchedd ac yn llywio buddsoddiad a seilwaith.
- Bydd angen i'r Cynllun Datblygu Lleol ddangos sut y mae wedi ystyried amcanion Deddf Llesiant Cenedlaethau'r Dyfodol.
- Mae llunio adroddiad monitro blynyddol bellach yn ofynnol. Bydd hyn yn galluogi cael ymatebion i unrhyw newidiadau sylweddol, megis 'Trawsnewid Gwasanaethau Clinigol'.
- Mae nifer disgwyledig y tai sydd eu hangen yn lleol wedi newid yn enfawr. Rhagwelid y byddai angen 18,000 o eiddo ychwanegol yn Sir Gaerfyrddin yn 2006, ond mae'r rhagamcaniadau diwygiedig presennol wedi adnabod yr angen am 3,000 o eiddo ychwanegol.
- Mae ymgynghoriadau ar waith ar hyn o bryd sy'n ymwneud â'r cytundeb cyflawni drafft (bydd y cyfnod ymgynghori yn dod i ben ar 23 Mawrth 2018) a gwahoddiad i gyflwyno safleoedd ymgeisio (sy'n dod i ben ar 29 Mai 2018).
- Bydd Fforwm Rhanddeiliaid Allweddol yn llywio'r broses strategol a bydd aelodau o'r Bwrdd Gwasanaethau Cyhoeddus yn cael gwahoddiad i fod yn aelodau.

GWEITHRED:	Bydd y Tîm Blaen-gynllunio a Thîm Cymorth y Bwrdd Gwasanaethau Cyhoeddus yn anfon gwahoddiadau at aelodau'r Bwrdd Gwasanaethau Cyhoeddus i fod yn aelodau o'r Fforwm Rhanddeiliaid Allweddol.
-------------------	--

5. Strwythur Arfaethedig y Bwrdd Gwasanaethau Cyhoeddus

- Diolchodd Barry Liles i Dîm Cymorth y Bwrdd Gwasanaethau Cyhoeddus am eu gwaith ychwanegol yn dilyn gweithdy'r Bwrdd Gwasanaethau Cyhoeddus yn Ionawr 2018 ac am ddatblygu'r

adroddiad. Amlinellodd yr adroddiad ffordd ymlaen arfaethedig o ran cyflawni'r Cynllun Llesiant a hynny'n seiliedig ar drafodaethau a gafwyd yn y gweithdy.

- Cafwyd trafodaeth ynghylch pa mor bwysig ydyw bod yr holl bartneriaid yn cyfrannu at y Grwpiau Cyflawni gan na ddylai'r gwaith gael ei wneud gan y tri swyddog unigol a enwyd yn unig.
- Nodwyd rôl y Grŵp Cymuned Ymarfer wrth sicrhau nad yw'r Grwpiau Cyflawni yn gweithio ar wahân. Y bwriad oedd y byddai'r Grŵp Cymuned Ymarfer yn rhith-dîm, ond cytunwyd y byddai'n parhau i gwrdd yn swyddogol os byddai angen.

GWEITHRED:	Bydd Kate Thomas yn ychwanegu pwysigrwydd cydweithio mewn modd trawsbynciol er mwyn cael y canlyniadau gorau posibl o ran rôl y Grŵp Cymuned Ymarfer.
-------------------	--

- Nodwyd y cysylltiad rhwng y Grŵp Cyflawni Asesu Risg Amgylcheddol a'r ffrwd waith o ran trafnidiaeth.
- Trafodwyd y Cylch Gwaith ar gyfer y Grwpiau Cyflawni yn bellach a chytunwyd y dylai'r Grwpiau ddatblygu eu cylch gwaith eu hunain, ond byddai'n ddefnyddiol petai hyn yn seiliedig ar fformat safonol. Unwaith y byddai'r rhain yn cael eu llunio gan y Grwpiau Cyflawni, byddent ar gael i'w cymeradwyo gan y Bwrdd Gwasanaethau Cyhoeddus.

GWEITHRED:	Bydd Tîm Cymorth y Bwrdd Gwasanaethau Cyhoeddus yn datblygu templed ar gyfer 'Cylch Gwaith' i'r Grwpiau Cyflawni er mwyn sicrhau fformat safonol, gan ganiatáu hyblygrwydd ar yr un pryd.
-------------------	--

- Trafodwyd y Swyddogion Arweiniol ar gyfer y chwe Grŵp Cyflawni a chytunwyd ar staff arfaethedig y Cyngor ar gyfer cam gweithredu tymor byr Pobl a Lleoedd Ffyniannus ac ar gyfer Cymunedau Mwy Diogel. Ystyriodd y partneriaid sefydliadau addas a fyddai'n gallu darparu'r swyddogion arweiniol oedd yn weddill a daethpwyd i gytundeb arnynt.

GWEITHRED:	Bydd Partneriaid y Bwrdd Gwasanaethau Cyhoeddus (RJ/HM/RQ/MM) yn enwebu swyddogion arweiniol fel a ganlyn: • Arferion Iach – Ymgyrchoedd Cydgysylltiedig = Bwrdd Iechyd Prifysgol Hywel Dda • Arferion Iach – Asesu Risg Amgylcheddol = Cyfoeth Naturiol Cymru • Ymyrraeth Gynnar – Newid y Model Cyflawni = Gwasanaeth Tân ac Achub Canolbarth a Gorllewin Cymru • Cysylltiadau Cryf – Asedau Cymunedol Arloesol = Cymdeithas Gwasanaethau Gwirfoddol Sir Gaerfyrddin
-------------------	--

- Penderfynwyd cymeradwyo'r adroddiad a'i argymhellion yn amodol ar y penderfyniadau a nodwyd uchod.

6. Cydweithrediaeth y 1,000 Diwrnod Cyntaf, Cymru Well Wales

- Rhoddodd yr Athro Jean White olwg gyffredinol ar y fenter sydd yn un o flaenoriaethau 'Cymru Well Wales' ac sy'n cael ei harwain gan Lywodraeth Cymru, Iechyd Cyhoeddus Cymru, Cymdeithas Llywodraeth Leol Cymru a Chomisiynydd Cenedlaethau'r Dyfodol. Mae hon yn ymagwedd system gyfan gydweithredol er mwyn sicrhau bod gan blant y dechrau gorau mewn bywyd drwy wella deilliannau yn y 1,000 diwrnod cyntaf.
- Gellir rhannu nwyddau, syniadau a mentrau drwy gydweithio rhwng partneriaid.
- Gofynnir i Fyrddau Gwasanaethau Cyhoeddus ymuno â Chydweithrediaeth y 1,000 Diwrnod Cyntaf.
- Cytunwyd bod y fenter hon yn ymgorffori'r agenda ataliol a bod y Bwrdd Gwasanaethau Cyhoeddus wedi ymrwymo i ymuno â hi.

GWEITHRED:	Bydd Tîm Cymorth y Bwrdd Gwasanaethau Cyhoeddus yn cadarnhau ymrwymiad Bwrdd Gwasanaethau Cyhoeddus Sir Gaerfyrddin i ymuno â Chydweithrediaeth y 1,000 Diwrnod Cyntaf.
-------------------	--

- Y farn oedd y byddai'n briodol ar gyfer y Grŵp Cyflawni Ymyrraeth Gynnar yn hytrach na sefydlu grŵp lleol ar wahân fel y cyfeiriwyd ato yn y canllawiau.

GWEITHRED:	Bydd swyddog arweiniol y Grŵp Cyflawni Ymyrraeth Gynnar yn gwahodd Dr Amy McNorton i gyfarfod y Grŵp hwnnw yn y dyfodol.
-------------------	---

7. UNRHYW FATER ARALL

- Rhoddodd Rob Quin wybod i'r partneriaid fod gan Wasanaeth Tân ac Achub Canolbarth a Gorllewin Cymru gwmni masnachu, sef Rescue 365, sy'n gallu darparu hyfforddiant diogelwch arbenigol ac asesiadau risg. Gofynnwyd a ellid cysylltu'n uniongyrchol â phartneriaid y Bwrdd Gwasanaethau Cyhoeddus a chytunwyd ar hyn. Gwnaed cais hefyd i ddosbarthu taflen wybodaeth y cwmni.

GWEITHRED:	Bydd Rob Quin yn trefnu bod cwmni Rescue 365 Gwasanaeth Tân ac Achub Canolbarth a Gorllewin Cymru yn cysylltu â phartneriaid y Bwrdd Gwasanaethau Cyhoeddus i gynnig gwasanaethau hyfforddi. Bydd taflen wybodaeth am y gwasanaeth yn cael ei dosbarthu pan fydd ar gael.
-------------------	--

- Nododd Anna Bird fod y Bwrdd Iechyd yn dymuno cynnwys pawb yn y 'Sgwrs Fawr' sy'n ymwneud â'r Gwasanaethau Clingol ym mis Ebrill.

GWEITHRED:	Bydd Anna Bird/Tîm Cymorth y Bwrdd Gwasanaethau Cyhoeddus yn ennyn diddordeb yn y 'Sgwrs Fawr' yn y gweithdy 'Trawsnewid Gwasanaethau Iechyd Meddwl'.
-------------------	--

- Rhoddodd Huwel Manley wybod i'r aelodau am y cymorth a roddwyd gan Gyfoeth Naturiol Cymru i'r partneriaid drwy ddarparu cerbydau 4x4 yn ystod y tywydd gwael diweddar. Rhoddir ystyriaeth i'r galw yn Fforwm Lleol Cymru Gydnerth. Mae angen rhoi ychydig ddiwrnodau o rybudd ac mae'r corff cynhaliol yn gyfrifol am yswirio'u staff yn y cerbydau. Cytunwyd y byddai cael cofrestr ganolog o gerbydau o'r fath yn fuddiol.

GWEITHRED:	Bydd Tîm Cymorth y Bwrdd Gwasanaethau Cyhoeddus yn cysylltu â Fforwm Lleol Cymru Gydnerth i ystyried opsiynau ar gyfer datblygu cofrestr o gerbydau 4x4 y sector cyhoeddus yn Sir Gaerfyrddin.
-------------------	---

- Awgrymodd yr Athro Jean White y gellid cyflwyno Cynllun Gweithredu y Strategaeth Dementia yn un o gyfarfodydd y Bwrdd Gwasanaethau Cyhoeddus.

GWEITHRED:	Bydd Gwyneth Ayers/Jean White yn cyflwyno Strategaeth a Chynllun Gweithredu Dementia Llywodraeth Cymru yn un o gyfarfodydd y Bwrdd Gwasanaethau Cyhoeddus yn y dyfodol.
-------------------	--

- Diolchodd Jonathan Feild i bartneriaid y Bwrdd Gwasanaethau Cyhoeddus am eu cymorth o ran dosbarthu'r swyddi gwag. Dywedodd er bod 157 o bobl wedi cael eu heffeithio yn sgil cau Canolfan Fudd-daliadau Llanelli, na fu'n rhaid dileu swyddi.
- Gwahoddodd Barry Liles aelodau'r Pwyllgor Craffu – Polisi ac Adnoddau oedd yn bresennol i roi sylwadau ar y cyfarfod. Awgrymodd y Cynghorydd Handel Davies y gallai'r Bwrdd Gwasanaethau Cyhoeddus ddefnyddio Llanymdyfri fel ardal i ddangos sut y mae ei dull o weithio ar y cyd yn cael effaith yn lleol. Diolchodd y Cynghorydd Giles Morgan i'r Bwrdd Gwasanaethau Cyhoeddus am y gwahoddiad, gan ddweud ei bod wedi bod yn ddiddorol gweld sut roedd y Bwrdd Gwasanaethau Cyhoeddus yn gweithio. Hoffai'r pwyllgor craffu fonitro sut y mae'r eitemau ar yr agenda yn cael eu datblygu ar y cyd.

Cynhelir y cyfarfod nesaf ar 2 Mai, am 9.30am yn Adeilad Ystwyth, Hafan Derwen, Parc Dewi Sant, Caerfyrddin.

Crynodeb o'r Camau Gweithredu – Cyfarfod y Bwrdd Gwasanaethau Lleol:

	Crynodeb o'r Pwyntiau Gweithredu	Pwy	Diweddaru
	Pwyntiau o gyfarfod 8 Mawrth 2018		
1	Anfon cadarnhad ysgrifenedig at Kate Thomas o gytundeb y Bwrdd lechyd i gyfrannu tuag at gostau Adolygiadau o Ddyladdiad Domestig ar sail achosion unigol.	Steve Moore	Wedi ei gwblhau.
2	Dosbarthu Cynllun Ardal Gorllewin Cymru a baratowyd gan Fwrdd Partneriaeth Ranbarthol Gorllewin Cymru.	Tîm Cefnogi'r BGC	Wedi ei gwblhau. Dosbarthwyd ar 25 Ebrill 2018.
3	Trefnu gweithdy yn y ddau fis nesaf ar gyfer Grŵp Cyfathrebu'r Bwrdd Gwasanaethau Cyhoeddus er mwyn cynnal trafodaethau ynghylch cynnig cyfathrebu y Bwrdd Gwasanaethau Cyhoeddus yn y dyfodol.	Gwyneth Ayers	Cynhaliwyd gweithdy ar y 25 Ebrill 2018. Bydd trafodaethau yn bwydo mewn i'r Grŵp Gweithredu Arferion Iach.
4	Dosbarthu gwybodaeth ychwanegol ynghylch y model arfaethedig ar gyfer 'Trawsnewid Gwasanaethau lechyd Meddwl', gan gynnwys y cynllun gweithredu.	Tom Alexander	Wedi ei gwblhau. Dosbarthwyd ar 20 Mawrth 2018.
5	Trefnu gweithdy er mwyn i'r Bwrdd Gwasanaethau Cyhoeddus gynnal rhagor o drafodaethau ynghylch y model arfaethedig ar gyfer 'Trawsnewid Gwasanaethau lechyd Meddwl' a'i effaith ar bartneriaid.	Anna Bird/ Tîm Cefnogi'r BGC	Dyddiad i'w gadarnhau.
6	Anfon gwahoddiadau at aelodau'r Bwrdd Gwasanaethau Cyhoeddus i fod yn aelodau o'r Fforwm Rhanddeiliaid Allweddol	Y Tîm Blaen-gynllunio a Thîm Cefnogi'r BGC	Wedi ei gwblhau.
7	Ychwanegu pwysigrwydd cydweithio mewn modd trawsbynciol er mwyn cael y canlyniadau gorau posibl o ran rôl y Grŵp Cymuned Ymarfer.	Kate Thomas	Wedi ei gwblhau.
8	Datblygu templed ar gyfer 'Cylch Gwaith' i'r Grwpiau Cyflawni er mwyn sicrhau fformat safonol a chaniatáu hyblygrwydd ar yr un pryd.	Tîm Cefnogi'r BGC	Yn parhau.
9	Enwebu swyddogion arweiniol fel a ganlyn: • Arferion Iach – Ymgyrchoedd Cydgysylltiedig = Bwrdd lechyd Prifysgol Hywel Dda • Arferion Iach – Asesu Risg Amgylcheddol = Cyfoeth Naturiol Cymru • Ymyrraeth Gynnar – Newid y Model Cyflawni = Gwasanaeth Tân ac Achub Canolbarth a Gorllewin Cymru	Partneriaid y Bwrdd Gwasanaethau Cyhoeddus (RJ/HM/RQ/MM)	Cadarnhad terfynol yn y cyfarfod BGC 2 Mai 2018.

	Crynodeb o'r Pwyntiau Gweithredu	Pwy	Diweddaru
	Cysylltiadau Cryf – Asedau Cymunedol Arloesol = Cymdeithas Gwasanaethau Gwirfoddol Sir Gaerfyrddin		
10	Cadarnhau ymrwymiad Bwrdd Gwasanaethau Cyhoeddus Sir Gaerfyrddin i ymuno â Chydweithrediaeth y 1,000 Diwrnod Cyntaf.	Tîm Cefnogi'r BGC	Wedi ei gwblhau.
11	Gwahodd Dr Amy McNorton i gyfarfod y Grŵp yn y dyfodol.	Swyddog arweiniol y Grŵp Cyflawni Ymyrraeth Gynnar	I'w gadarnhau.
12	Trefnu bod cwmni Rescue 365 Gwasanaeth Tân ac Achub Canolbarth a Gorllewin Cymru yn cysylltu â phartneriaid y Bwrdd Gwasanaethau Cyhoeddus i gynnig gwasanaethau hyfforddi. Bydd taflen wybodaeth am y gwasanaeth yn cael ei dosbarthu pan fydd ar gael.	Rob Quin	Wedi ei gwblhau. Dosbarthwyd 25 Ebrill 2018.
13	Ennyn diddordeb yn y 'Sgwrs Fawr' yn y gweithdy 'Trawsnewid Gwasanaethau Iechyd Meddwl'	Anna Bird/ Tîm Cefnogi'r BGC	Dyddiad i'w gadarnhau.
14	Cysylltu â Fforwm Lleol Cymru Gydnerth i ystyried opsiynau ar gyfer datblygu cofrestr o gerbydau 4x4 y sector cyhoeddus yn Sir Gaerfyrddin.	Tîm Cefnogi'r BGC	I'w gadarnhau.
15	Cyflwyno Strategaeth a Chynllun Gweithredu Dementia Llywodraeth Cymru yn un o gyfarfodydd y Bwrdd Gwasanaethau Cyhoeddus yn y dyfodol.	Gwyneth Ayers/Jean White	I'w gadarnhau.